



საჯარო სამართლის იურიდიული პირი -

ბათუმის შოთა რუსთაველის სახელმწიფო უნივერსიტეტის

წარმომადგენლობითი საბჭო

გ ა და წ ყ ვ ე ტ ი ლ ე ბ ა №07-01/02

ქ. ბათუმი

31 იანვარი, 2023 წ.

ხულოს და შუახევის საჯარო სკოლების მე-12 კლასის მოსწავლეებისათვის (აბიტურიენტების) ერთიანი ეროვნული გამოცდებისათვის მოსამზადებელი მოკლევადიანი პროგრამების განხორციელებისათვის გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის და ბსუ-ს სტრატეგიული განვითარების გეგმის (2018-2024წ.), „ერაზმუს+“-ის მიერ დაფინანსებული ინსტიტუციური შესაძლებლობების განვითარების პროექტის „მესამე მისიის ხარისხისა და შესაბამისობის განვითარება ქართულ უნივერსიტეტებში - Strengthening the QUALity and RElevance of the 3rd mission in Georgian Universities“/ SQUARE) ფარგლებში შედგა., „ბსუ-ს დამხმარე საგანმანათლებლო სტრუქტურული ერთეულის „პროფესიული პროგრამების მართვისა და უწყვეტი განათლების ცენტრი“-ს შექმნისა და მისი დებულების დამტკიცების თაობაზე“ ბსუ-ს წარმომადგენლობითი საბჭოს 2018 წლის 5 ოქტომბრის N02 გადაწყვეტილების, უწყვეტი განათლების მიმართულების კოორდინატორების დანიშვნისა და საკოორდინაციო საბჭოს შემადგენლობის შესახებ“ ბსუ-ს რექტორის 2021 წლის 11 ოქტომბრის №01-02/171 ბრძანების, „ბსუ-ს 2023 წლის ბიუჯეტის დამტკიცების თაობაზე“ წარმომადგენლობითი საბჭოს 2022 წლის 23 დეკემბრის N07-01/57 გადაწყვეტილების, აჭარის ავტონომიური რესპუბლიკის განათლების, კულტურისა და სპორტის სამინისტროს და ბსუ-ს შორის 2023 წლის 26 იანვრის N04-07/18 ხელშეკრულების პირობების, ბსუ-ს პროფესიული პროგრამების მართვისა და უწყვეტი განათლების ცენტრის 2023 წლის 26 იანვრის NMES 2 23 0000083803 26/01/2023 სამსახურებრივი ბარათის, „ბსუ-ს მიერ საზოგადოების განვითარებაში წვლილის შეტანასთან დაკავშირებით მესამე მისიით გათვალისწინებული აქტივობების განხორციელებისათვის გასატარებელი ღონისძიებების შესახებ“ ბსუ-ს წარმომადგენლობითი საბჭოს 2022 წლის 29 დეკემბრის N07-01/62 გადაწყვეტილების, ადმინისტრაციის ხელმძღვანელის წარდგინების, ბსუ-ს წარმომადგენლობითი საბჭოს 2023 წლის 31 იანვრის სხდომის N07-02/01 ოქმისა და წარმომადგენლობითი საბჭოს რეგლამენტის საფუძველზე ბსუ-ს წარმომადგენლობითმა საბჭომ

გ ა და წ ყ ვ ე ტ ა :

1. ბსუ-ს მიერ საზოგადოების განვითარებაში წვლილის შეტანასთან დაკავშირებით მესამე მისიით გათვალისწინებული აქტივობის შესრულებისათვის მოწონებული იქნეს აჭარის ავტონომიური რესპუბლიკის განათლების, კულტურისა და სპორტის სამინისტროს (შემდეგში - სამინისტრო) და ბსუ-ს შორის 2023 წლის 26 იანვარს გაფორმებული N04-07/18 ხელშეკრულების პირობები, აჭარის ავტონომიური რესპუბლიკაში, ხულოს და შუახევის საჯარო სკოლების მე-12 კლასის მოსწავლეებისათვის/აბიტურიენტებისათვის (შემდეგში - ბენეფიციარები) ერთიანი ეროვნული გამოცდებისათვის მოსამზადებელი მოკლევადიანი პროგრამების ბსუ-ს და სამინისტროს თანადაფინანსებით განხორციელების თაობაზე და გატარდეს შემდეგი ღონისძიებები:
 - 1.1. 2023 წლის 1 თებერვლიდან 30 ივნისის ჩათვლით პერიოდში განხორციელდეს პროფესიული პროგრამების მართვისა და უწყვეტი განათლების ცენტრის მიერ მომზადებული და ბსუ-ს რექტორის ბრძანებით დამტკიცებული ერთიანი ეროვნული გამოცდებისათვის აბიტურიენტთა მოსამზადებელი მიზნობრივი მოკლევადიანი პროგრამები (შემდეგი - აბიტურიენტთა მოსამზადებელი პროგრამები): 1. ქართულ ენასა და ლიტერატურა - რექტორის ბრძანების N1 დანართი; 2. ინგლისურ ენა - რექტორის ბრძანების N2 დანართი; 3. მათემატიკა - რექტორის ბრძანების N3 დანართი, ბენეფიციარების მიერ სწავლის საფასურის გადახდის გარეშე.
 - 1.2. აბიტურიენტთა მოსამზადებელი პროგრამების განხორციელების მიზნით ადმინისტრაციის ხელმძღვანელის მიერ დამტკიცდეს ამ პროგრამების განხორციელების ხარჯთაღრიცხვა, მათ შორის პროგრამების განმახორციელებელი პერსონალის შრომის ანაზღაურების ოდენობის და პირობების განსაზღვრით, აჭარის ავტონომიური რესპუბლიკის განათლების, კულტურისა და სპორტის სამინისტროს და ბსუ-ს შორის 2023 წლის 26 იანვრის N04-07/18 ხელშეკრულების პირობების (3.1.2 - უნივერსიტეტის ვალდებულებები და მე-4 პუნქტის მოთხოვნები) მოთხოვნების გათვალისწინებით;
 - 1.3. პროფესიული პროგრამების მართვისა და უწყვეტი განათლების ცენტრის მოსამზადებელი მიმართულების მიერ პროგრამების განსახორციელებლად შერჩეული პერსონალის შრომითი დატვირთვა და შრომის ანაზღაურების ოდენობა განისაზღვროს N04-07/18 ხელშეკრულების პირობების შესაბამისად და მათთან გაფორმდეს შრომითი ხელშეკრულებები, წინამდებარე გადაწყვეტილების და ამასთან დაკავშირებით გამოცემული ბსუ-ს რექტორის და ადმინისტრაციის ხელმძღვანელის ბრძანების შესაბამისად, რომელშიც მიეთითოს აბიტურიენტთა მოსამზადებელი პროგრამების განხორციელების ადგილი - ხულოს და შუახევის რესურსცენტრები, ჩატარების ფორმატი, შრომის ანაზღაურების და მივლინების პირობები.
 - 1.4. წინამდებარე გადაწყვეტილების აღსრულების მიზნით ადმინისტრაციის ხელმძღვანელის ბრძანებით შევიდეს ცვლილება „ბსუ-ს 2023 წლის ბიუჯეტის

დამტკიცების თაობაზე” წარმომადგენლობითი საბჭოს 2022 წლის 23 დეკემბრის N07-01/57 გადაწყვეტილებაში;

1.5. ადმინისტრაციის ხელმძღვანელმა უზრუნველყოს:

ა) სამინისტროსთან გაფორმებული ხელშეკრულებაში აღნიშნული ფორმით სამინისტროსაგან თანადაფინანსების თანხის მოთხოვნის თაობაზე წერილების მომზადება და გაგზავნა (პროგრამის ფარგლებში დასაქმებული პედაგოგების მივლინებასთან დაკავშირებული ხარჯების (დღიური ხარჯი და დაბინავება) ანაზღაურების თანხის გადარიცხვის მოთხოვნასთან ერთად წარდგენილი იქნეს: 1. პედაგოგებთან გაფორმებული შრომითი ხელშეკრულება; 2. კანონმდებლობით დადგენილი წესით გამოცემული მივლინების ბრძანება; 3. პერსონალის დაბინავების ხარჯების დამადასტურებელი დოკუმენტები);

ბ) **2023 წლის 26 იანვრის N04-07/18 ხელშეკრულების მე-5 პუნქტის („ანგარიშგება“)** თანახმად, ხელშეკრულებით გამოყოფილი თანხის ხარჯვის შესახებ ანგარიშის სამინისტროში წარდგენა, ვალდებულების შესრულებიდან 7 დღის ვადაში.

1.6. ბსუ-ს რექტორის და ადმინისტრაციის ხელმძღვანელის მიერ გამოიცეს შესაბამისი სამართლებრივი აქტები, ბსუ-ს რეგულაციებისა და აჭარის ავტონომიური რესპუბლიკის განათლების, კულტურისა და სპორტის სამინისტროს და ბსუ-ს შორის 2023 წლის 26 იანვრის N04-07/18 ხელშეკრულების პირობების შესრულების მიზნით.

2. გადაწყვეტილება გამოქვეყნდეს ბსუ-ს ვებგვერდზე.
3. გადაწყვეტილება დაეგზავნოს უნივერსიტეტის მართვის ორგანოებს, რექტორის მოადგილეებს, სტრუქტურულ ერთეულებს (პროფესიული პროგრამების მართვისა და უწყვეტი განათლების ცენტრს, საქმისწარმოების სამსახურს (კანცელარია), საფინანსო-ეკონომიკურ დეპარტამენტს, იურიდიულ დეპარტამენტს, საინფორმაციო ტექნოლოგიების სამსახურს.
4. გადაწყვეტილება ძალაშია ხელმოწერისთანავე.
5. გადაწყვეტილება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

წარმომადგენლობითი საბჭოს სპიკერი,

პროფესორი

ჯემალ კარალიძე